



Resistencia a Antibiotiko

Kuze ki é Resistencia a Antibiotiko?


Resistencia a antibiotiko ta kontice quando um ou mais antibiotikos ka pode mas trata um infekson. Infekson pode ser provokado pa vários tipos de germes (bakteria, fungos ou vírus). Em Estados Unidos, Centro de Kontrole y Prevenson de Doenças identifika 18 bakteria y fungos ki desenvolví resistêncía a antibiotikos y aktualmente ta representa um ameaça.

Pamode ki Resistencia a antibiotiko é um preokupason?

Desde ki antibiotikos foi usado pa primeiro bez na anos de 1940, es salva milhões de vida. No entanto, bakteria mostra abilidade de kria resistêncía a tudo antibiotiko desenvolvido na kes ultimo 70 ano. Germes resistente é mas difícil de kombati y pacientes ku infekson resistente tem maior risiko de deficiêncía ou morte. Resistencia a antibiotikos também ta faze parte de um grande preokupason ekonomiko na Estados Unidos, adicionando biliões de dólares em kuidados y tratamento adicional.

Rekurso Limitado

Kanto mais antibiotiko nu usa hoje, menos nu ta tem manha. Uso de antibiotikos é uniko factor mas importante ki ta provoka resistencia. Kanto mas antibiotikos nu usa, mas resistêncía ta desenvolví. Kela ta limitano nos abilidade na tratamento de infekson y realizason de procedimentos medikos ki ta mesti antibiotikos.



Kombatendo Resistencia a Antibiotiko

Prevenindo Propagason:

Se nu previne propagason de infekson, quantidade de antibiotikos necessario ta reduzi y automatikamente a probabilidade de desenvolvimiento de resistencia ta diminui. Pergunta bu doutor se bu sta atualizado ku bu imunizason. Laba bu mon regularmente, especialmente se bu sa visita um klinika ou hospital. Certifika ma doutor ou enfermeira laba ses mon antis de tokou.

Usa antibiotikos de maneira pre-eskrito:

Ate metade de antibiotikos usado em humanos é desnecessario. Lembra ma antibiotikos somente é efektivo kontra bakteria y alguns fungos. Antibiotikos ka ta funciona kontra virus. Bu doutor pode pensa ma bu sta doente de um virus y é ka ta pre-skrebeu antibiotikos. Se bu doutor passou antibiotiko, certifika de kompleta bu ciklo de medikamento. Nem su sa xinte midjor, alguns germes ainda pode sta vivo dentro de bo.



Boston Public Health Commission | Infectious Disease Bureau

1010 Massachusetts Avenue | Boston, MA 02118 | www.bphc.org | 617-534-5611

Antibiotic Resistance | Cape Verdean Creole | March 2020